


Aßlegung vñ erclerūg der wun
 derbarlichen künftigē erschrecklichen ding/die vns d
 Stern mit dem Swantz: den man Comet nent/in vn
 sern landen gesehē im iar m. CCCCCC. VI. dis noch uol
 gend iare so man zelen wirt m. CCCCCC. VII. beteuten ist Durch den
 Hocherfarnen vßleger der Stern Meynster Hansen Virdung vonn
 Hassfurt zt. zu eren dem Durchleuchtigsten Hochgeborenen fursten
 vñ herē Herrē philipson Pfalzgrauē bey Rhein Kürfursten zt. zu
 geschrieben/offenbart/vnd mit hohen fleiß ergründt zt.



Zu dem Leſer dis Büchlinis.

Ir menschen all vff dieser erd
 Got wol das Hassfurt lygen werd
 Inn dieser schrift hernach getruckt
 Ich fürcht es werd sunst vyl gebückt
 Das vffrecht wol gestanden wer
 Wendt vmb vnd leſent nu we mer.



147,90

(Handwritten note: 151)
edriūct zu oheheū

(Handwritten note: 147,90)





Orchleuchtigster hochgebor-

ner furst gnedigster herre als ich in meinem gemut
 betracht vil wunderbarlicher grauſamer erschrocke-
 licher geschichtē/bey regirung der alten groſſmächt-
 tigen furtreffenden Künigen/Kaisern vñ andern
 menschen/durch Blütuergiessen/Serbē/Teurūg/Zerſtrung
 Ster Land vnd lüt/auch veränderung der Reich vñ regimēt
 der zeit geschehe/vñ gemeinlich den selben:als zu einer warnūg
 furgangen vñ erschynen ein Stern mit eim langen schwantz
 Comet genant/Hab ich mich nit lenger mōgen enthalten dey
 ner erleuchtet groſſmächtigkeit zu offenbaren etlich nūwe (zum
 teil erschröcklich) wunderbarliche ding/vß den Regeln vñnd ge-
 satzen der alten Philosophen vñ hocherfarnē Sternkenner mit
 yrer vßlegung/von dem Stern mit dem schwantz des iares als
 man̄ zalt noch Christus geburt M.CCCCC. VI. in den tagē des
 Augftmonats/in vnsfern Clima vnd landen gesehen/waß der
 selb stern vns irdische creature künftiglich in dē ior M. CCCCCG
 VII. vñ nochholgend etliche zeit anzeigen vñ beteuten ist/vß dī
 du vñ ander menschen sich seiner influß vñ wirklichkeit furſchē
 vnd bewaren mōgent.wie wol ſöllichs zübeschehe nit bezwung-
 lich/sunder allein neiglich.vnd ein yder weifer über das gestirn
 herschen mag noch dem spruch Proloſmei +c. Vnd wil zu dem er-
 ſten beschreiben dye geberung vnd vrsachen des selben Cometē
 welch lange zeit gemeinē volck(das ſich des verwundert) ver-
 borgen gewesen ist. Zu dem andern wo er an dem hymel geſta-
 den ist/bei welchem zeichen/vnd in welchem teil des ertrichs.
 Zum drytten von ſeiner beteutniß diessen vnderften dyngē be-
 zeygen.Zum fyrdē die Sted vnd gegene in welchen ſein wirk-
 licheit erscheinē wir.

**Das Erſt Capitel sagt vō geberūg
 des Cometē/vnd vß was mareig ein Comet entspring.**

Aristoteles in seinem ersten
buch von den hohen dingē schreybt Wann dye
Son̄ vñ ander hymelisch gestirn sich nahet den
vndersten zween Elementen/ so seien sie die sel-
bigen verwandeln/vñ von inen nemen(vñ nem-
lich von der erde) etlich rauchēd irdisch natur doch ganz warm
auch douon ein teil druckē vñ das ander feucht. doch mer druckē
dieser vffsteigender dunst oder irdischer rauch/ der also von dies-
sen elementen abgesundert vñ erhaben wirt iñ die überst region
der luſt/ oder iñ die vnderst des feuers/ vnd noch seinen teilen
übertreffende vnd feucht subteil zusamēgemischt vñ hart: wirt
die selbig exalatio: d̄z ist der vffsteigēd dunst: leichtlich geschift
anzuzunden/ vñ so er dañ also abgesundert vñ erhaben wirt iñ
die rechte stat/ hart zusammen gemischt/ vñ wirckliche von dem
hymelischen cōper vnd von dem vmbstehenden warmen mittel
angezündet/wirt sollichs gesprochen ein Comet. Aber Camara
ensis spricht yn also geberen/ vñ wirt vergleich mit dez ersten
Wān erhaben werde die warmen vñ drucken dunst in die über-
sten region der luſt/welch dūnst iñ der mitte dick sein/ vnd am
end in seinem vmbschweiff nach circels weiß subteil/ vnd dar
nach allenthalben von den cōpērē des hymels vñ von de vmb-
stehenden mittel entzündet/ so wirt die anzündung des mytreyss
geschen als ein stern zymlicher grōß/ vñ die anzündung der üser-
sten teil gibt ein schein der hore oder lōcke/ die vßgebreyt sein al-
lenthalben das man vff latin nent Coma dar von dañ Cometa
kumbt Es begibt sich doch oft vnd dick das der selbig dunst sein
teyl nit hat gerings vmb in circels weiß vßgedeilt oder gespreit
sunder allein an einem ort/ dañ so wirt die anzündung der sel-
bigen dunst geben eyn scheyn eins sterns gleich als mit einem
hart: der vflatin Pogonea oder Barbata gesprochen wirt/ Vnd
in dieser gestalt ist bey vns geschen dieser Comet welcher beider
Cometen gestalt vßweisen sein diß nochfolgenden figuren.



**Das Zweit Capitel Aln welichen
enden des hymels der Comet erschynen ist.**

Hach des ich vß warer ver-
stentniß vyker menschen auch manigerlei stettē
vernōmen/die do eintrefftiglich sagten dyser
Cometen yn erschynen vnder den ersten zweynt
redern des Wagens: den dy Latinischen nenn-
nen vrsam maiorem/ das ist den grossen bern:
vnd hab vßgebreit oder gestreckt sein bart oder schwantz zu den
festen redern des selbigen wagens/ gleich zwischen miternachte
vnd vßgang der Sōnen/ hab ich nicht anders dar vß mōgē er-
teilen (doch alwege furbehalten der andern gut beduncken vnd
meinung) dañ das dieser Comet erschynen sey bey den hynderstē
füssen des Bern/ die do gezirt sein mit etliche sterinen von der na-
tur Martis/bey welchen gegen der Sōnen circel zu/ genant E-
cliptica/das gebildnis des Lewen sich erzeiget: welches vß seyne
ruck erlucht ist durch die stern der andern groß/vn seyn schwätz
gezyret mit eim claren hellen stern der ersten groß Es sein auch
nit weit vō diesem gebildniß etlich fest stern die durch die Astro-
nomos nebulose vn oculste/das ist dunckel vn verborgē stern:
genant sein/bei welchen über:gegē der vorgenāten ecliptica ge-
sehen wirt das bildnis vn zeychen der iungfrauwen Nun dyesem
nach ist wol geleich der warheit das dieser Comet gestanden sei
vnder dem wagen/ der sein vrsprung ein teil von dem Lewē vn
ein teil von der Jungfrauē genōmen hab/ zu bezeugen dyseren
vrsprung Nym ich zu dez ersten die zusammenfügūg Jupiters vn
Martis in der Jungfrauwen/ welch (als Albusmasar bekent im
achten buch seiner grossen Coiunction im ersten capitel) nit we-
nig gehon hat zu der geberung diß Cometen/ welchen ich durch
die selbige sein vnd ander meinūg in meiner Practica des iars
M.CCCCCC.VI.zukünftig gesagt hab/ zum Andern wirt diß be-
stetigt durch das finsterniß der Sōnen so diß iar auch gewessen
vn am xxtag des Hewnonds gesehen wordē ist im VI. gtad des
Lewen in welche vil planeten: nit lang darnach können sein in
die stat des finsterniß/ Auch so hat zu diesem Cometen nit eyn
wenig gehö die zusammenfügūg Saturni vn Martis im Lewē
Vß diesbez also kürzlich begriffen solman nū wissen das dyser
Comet sein vrsprung hat ein reik von der Jungfrauē vn eyn teyl
vō dez Lewen/ vn weit gegen mitternacht vn gegē nydergang

Der Sōne / doch vil die ansehen die gegenwirtigkeit des Mars
in der Wage / die zeit der erscheinung des Cometē / werde sagen
diesen Cometē erscheinen vnder der wage / das dan wol mug/
lich mag sein nach gelegenheit der land vnd stadt / doch ist die er-
farung ein meisterin der warheit.

Das Drit Capitel Von Betüitung vnd Wirkung des Cometē.

Doch dem diematerlich vñ
wircklich vrsach dis Cometē ist ein warmer vnd
druckner dunst als dan gesagt ist So ist war-
lich zu sagen das dieser Comet sey ein wirckliche
ursach grosser vngestymmer wynde der drucken-
heit des ertrichs / zerstdrūg der frucht / Streit / wyderwertigkeyt
Den dode Künigen vnd Fürsten auch andern grossmächtigen /
welchs die natürlichen Philosophi also bewerē / Die natürliche
Dunst also iñ die luft erhabē: wie vor gesagt ist: mit alweg begren-
fen sein die obersten region der luft sond sie werden wyder hyn
ab geschlagen von der groben kalten luft der mitteln region od
der vndersten / vñ welcher wyderschlagung bewegt wirt dy luft
durch welch beweglichkeit sich die wynd erhebē / vnd nun so der
warm wynd verhyndern ist den regen wirt die erden dürz vnd
drucken vñ alle irdischen ding / vñ solich großdurre vñ druck-
ner luft lebt kein frucht wachsen wan sie müssen han die feuchtig-
keit / darumb nit vnbisslich dieser Comet zerstdrūg der frucht
zeigen ist Auch so ist die durre oder druckenheit ein anfang der
feurichten hutz / die do im menschen meren ist Colerant vnd ire-
scherpff / welch bewegt den menschen zu zorn / vñ der zorn ist ein
ursach der zweytracht / die zweytracht ein ursach des Streits /
Streit ein ursach des dots / der Künigt Fürsten vñ d grossmächtigen /
wan das leben sted iñ getcimperirter würm vñ feuchtig-
keit vñ nicht iñ druckner vñ feuriger würm So sein die Künigt
Fürsten vñ der Adel subteiler cōplexion / darüb sie leichter sey-
den iñ yrer natur vñ cōplexio dan ander menschen / Darumb
so wirt dieser Comet mer gesprochen ein ursach des dots der Künigt
Fürsten etc. Es schreibt auch Albumasar im fünften buch d

grossen Coniunctio das dieser Comet ist zeigen Streit vnd den
Kunigen mit vergiessung des bluts gegen vffgang der Sonnen
den menschen gross krankheit des bauchs die kalt seychen vnd
krankheit den wolfen vnd andern wilden thyren vñ dobbeydt
der hund Auch gross Krankheit Donner vñ Plyzen gegen mit
ternacht Stercke d wolff die gross schaden werden Es werden
kömen wurn iñ die frucht verderben das getreid Es wirt wenig
Kauffmanschatz vñ mit onrecht Vil Feber Die weisir werden
windig im bauch vñ leyden in der geburt Vil Geschwer vnd
pusteln vñ die menschen werden verlassen ir land vñ kömen
iñ ander land gleich als durch gefenckniß vñ nymeriner Kome
zu iren gutern Hali spricht das dieser Comet sei zeygen den dot
einem Kunig gegen vffgang oder mitag doch ist gutiglich zu
glauben d wil dieser Comet gestanden ist gegen miternacht das
es etlich auch doselbst dots abgag beruren werde oder das sye
nit werden verraten mit sampt dem reich Disse verretterei auch
zu furchten ist den gegen vffgang vnd mitag Mars auch on
welchen als die Ostronomi wossen kein Comet wirt mit einem
bart oder schwanz ist zeigen schmertz der Augen Traurige
keit vnd drubsal den schreibern gelerte vnd andern sharpf sin
nigen menschen vil Mörder vnd Rauber vñ den dot vil men
schen durch Pestilenzisch geschwer sich erzeigte iñ hyndern vñ
vnder den achseln vñ das nemlich gegē mitag Auch ist er an
zeigen Erdpyde an vil enden oder grose wind die sich schyr ver
gleichen eine erdpyde Von dysez Cometen Schreibt auch Bru
der Bartholomeus Fryß Kartheuser in seiner Pronosticacion
vom Endcrift das er zeigen sei den dot dysen menschen dye do
übertreten die gebot gottes vñ der wyderspenigen vnd welch vß
ynen mit vmböme sein oder sunst gräßlich gestraft durch dye
geschwer der franzosen oder andre frankheit werden verderbe
durch Hunger Pestilenz vñ ongewyter vnd allein dye guten
gotfurchtigen bestedigt im glauben lebendig bleyben vñ nach
diesen geschefften wirt kein volck mer gegen dez andern vßrecke
sein schwert vñ wirt werden fryd vñ einigkeit iñ allen ende der
welt.

Das Fyrd Capitel Wo Lande vñ Siette dar iñ dyser Comet sein wyrcklichkeit anzeigen ist.

And vnd Stet gelegen gegē
vffgang vñ mittag die wirklichkeit des Cometē be
finden werden/ auch vil vß den mitternachtlichen
seiner halber nit wenig leide Daruß bewaren sich
die nachgeschriben Kunigreich furstentūs Land
vñ Stedt/Ols Turckey/Welschlandt/Opolia/
Alespdria/Lombardei Geheimer land/Ostreich
eglich Set an der Thonaw/Rom Rauen/Cremona/Mantua
Perus/Krychisch landt/Affrica/Persia Gallilea Hyspania/
des größt teil Candia Cipria/das reich Vlouaria zwischen Hyo
spania vnd Franckenreich Slesien/Hessen Meyssen Sachßen/
Francken Beyern Schwaben Venedig Heydelberg Nurnberg
Erfurt Francfort Salzburg/vñ die wirklicheyt dis Cometē
viln enden vertzogē wirt iñ das ander nochkomend iare/vñ inn
vilen hynauß noch vil iaren/Doch ist zu besorgen bey vns ym
Sybenden Clima/das eglich vß seinen wirklicheren/nemlich
Sterben Schedlich wind/groß dürre vnd hytz vil Stet vmbges
ben werden ynwenig kurzen tagen oder zeyten/Diese ding mo
gen gewant werden vñ ee oder langsamer köme/oder geringert
vñ gemischt durch die barnherzigkeit gottes/welich allement
schen wil selig werden.

Beschluß.

Durchleuchtigster Hochgeborener furste Genedig^{ter}
ster herze also sein volendet dyse
ding/die ich vß der lere der weysen iñ natürlichen kunsten erfahren
vnd vßgezogen hab/welch ich bit genedigklich anzünemen vñ zum
besten vßlegen.Auch bit ich alle liephaber der künft:vñ sunderlich
der Astronomey/so sie ichts onkunstlichs/irrig oder onformlichs
in meinen schriften befinden/das selbignit zu sch enden/sunder zu
gutez annemen bessern vnd verstantlicher vßlegen/Wañ ich durch
diese mein schrift hab vrsach wossem geben andern gelertern weiter
vñ clerlicher von diesem Cometē zu schreiben/Es ist auch nit als
lein danck zu sagen denen die wol/sunder auch den so übel geschry
ben han/wañ sie haben dar durch geubt vñ bewegt unser verstante
niß solich übel schrift zu bessern vñ clerlich zu ergrunden.

In glauben sag ich lich fur war
Das mir verkunt ist offenbar
Den Cometen gesehen sein
Zu Rom iñ liechtes feures schein
Uber des babsts heimlichen gart
Mit seinem grausamlichen bart
Solsch schein sol nyman hant vor spot
Vnd vor sein wirkung biten got.

